



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

PROGRAM
OBILJEŽAVANJA 6. APRILA
DANA GRADA SARAJEVA
U 2020. GODINI

Sarajevo, decembar 2019. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



**PROGRAM OBILJEŽAVANJA
6. APRILA - DANA GRADA SARAJEVA
U 2020. GODINI**

POLAGANJE CVIJEĆA

Nedjelja, 05.04.

- 10:00 Most Suada Dilberović i Olga Sučić
- 11:00 Vratnička kapija (SABNOR Stari Grad)
Stazama oslobođilaca Sarajeva - čas historije i polaganje cvijeća

Ponedjeljak, 06.04.

- 09:00 Vječna vatra
- 09:30 Šehidsko mezarje „Kovači“
Mezar Prvog predsjednika R BiH, Alije Izetbegovića
- 10:00 Spomen obilježje ubijenoj djeci opkoljenog Sarajeva 1992-1995.
- 10:15 Mezari ubijenih policajaca u Velikom parku (11)
- 10:30 Gradska groblja Lav, Sv. Josip, Sv. Marko i Mezarje Stadion (Koševo)
- 10:45 Bista Vladimir Perić -Valter
- 11:00 Spomen park „Vraca“
- 11:15 Policijska škola Vraca
- 11:30 Staro Jevrejsko groblje

II SVEČANA SJEDNICA GRADSKOG VIJEĆA
Vijećnica, 06.04.2020.

III KULTURNE I SPORTSKE MANIFESTACIJE

1. ŠESTOAPRILSKA IZLOŽBA “COLLEGIUM ARTISTICUM”

Datum: 05.04.- 25.04.2020?

Mjesto održavanja: Collegium artisticum

Otvaranje: 05.04.2020 u 19:00?

Organizator: Tri strukovna udruženja AABiH, ULUBiH, ULUPUBiH

2. KOLAŽNI KULTURNI PROGRAM ZA DJECU I GRAĐANE „SARAJEVO VAS ZOVE“

Datum: 05.04.2019. u 12:00

Mjesto održavanja: Štrosmajerova

Organizator: JU Centar kulture i mladih

3. PREDSTAVE ZA DJECU

„BAJKA O RIBARU I RIBICI“

Datum: 03.04.2020. u 12:00

Mjesto održavanja: Multimedijalni Centar Općine Novi Grad Sarajevo

„LAKONOGA“

Datum: 06.04.2020.

Mjesto održavanja: Medunarodnom centru za djecu i mlade Novo Sarajevo

„SNJEŽNA KRALJICA“

Datum: 06.04.2020.

Mjesto održavanja: JU Centar kulture i mladih, sale Općine Centar i Općine Stari Grad

Ulaz je slobodan za sve predstave uz ranije preuzete gratis ulaznice (distribucija po školama i podjela u medijima)

Organizator: JU Centar kulture i mladih

4. COMMUNITY ART „BUĐENJE GRADA 2020“

/Projekat sadrži tri programska sadržaja/

INSTALACIJA ZASTAVA „BUĐENJE SVIJESTI“

Datum: 06.04.2020. - trajno

Otvaranje: odredit će se naknadno

Mjesto održavanja: Kostrukcija budućeg Muzeja savremene umjetnosti/Ars Aevi

Organizator: Udruženje „Obojena Klapa“

KOLEKTIVNA IZLOŽBA „POETIKA PROSTORA“

Datum: 05-15.04.2020.

Otvaranje: odredit će se naknadno

Mjesto održavanja: Historijski muzej BiH

Organizator: Udruženje „Obojena Klapa“

3D MAPPING „SARAJEVO“

Datum: 06.04.2020.

Otvaranje: 20:00

Mjesto održavanja: Zemaljski muzej BiH

Organizator: Udruženje „Obojena Klapa“

5. XIII ŠESTOAPRILSKI TURNIR U HRVANJU “KUP GRADA SARAJEVA 2020”

Datum: 04.04.2020.

Otvaranje: 04.04. 2020. u 10:00

Mjesto održavanja: Olimpijska dvorana „Juan Antonio Samaranch“

Organizator: Hrvачki klub „Bosna”

Učesnici: pozvano je oko 30 ekipe iz 16 država

6. XIII MEĐUNARODNI ŠESTOAPRILSKI TURNIR U KOŠARCI

Datum: 03-05.04. 2020.

Otvaranje: 03.04.2020 u 19:30

Mjesto održavanja: Dvorana 1 Centar Skenderija

Organizator: Košarkaški klub „Koš”

Učesnici: 24 ekipe iz CRO, MNE, SLO i BiH

7. XIII MEĐUNARODNI ŠESTOAPRILSKI TURNIR U STRELJAŠTVU

Datum: 03-05.04.2020.

Otvaranje: 04.04.2020. u 10:30

Mjesto održavanja: Streljana „Zetra“

Organizator: Streljački klub „Sarajevo“

Učesnici: očekuje se učešće oko 25 ekipa iz 9 zemalja

8. XIX MEĐUNARODNI PLIVAČKI MITING „SARAJEVU S LJUBAVLJU“

Datum: 28-29.03.2020.

Otvaranje: 28.03.2020. u 9:30

Mjesto održavanja: Olimpijski bazen „Otoka“

Organizator: Plivački klub „Bosna“

Učesnici: preko 400 takmičara, 30 klubova iz 10 zemalja

9. III MEĐUNARODNI FUDBALSKI TURNIR „VALTER KUP 2020“

Datum: 03-05.04.2020.

Otvaranje: 03.04.2020.

Mjesto održavanja: Kamp FK Sarajevo u Butmiru

Organizator: Škola fudbala „Valter“

Učesnici: očekuje se učešće 46 ekipa iz 11 zemalja

10. XVIII ŠESTOAPRILSKI TURNIR U STRELJAŠTVU ZA OSOBE SA INVALIDITETOM

Datum: 29.03.2020. u 10:00 sati

Otvaranje: 29.03.2020. u 10:00

Mjesto održavanja: Streljana „Zetra“

Organizator: Streljački savez invalidnih lica F BiH

Učesnici: Nastupit će preko 80 takmičara iz BiH

11. XII MEĐUNARODNI KUGLAŠKI TURNIR ZA SLIJEPE „SARAJEVO 2020“

Datum: 04.04.2020.

Otvaranje: 04.04.2020. u 10:00

Mjesto održavanja: Kuglana „Zetra“

Organizator: Sportsko društvo slijepih i slabovidnih KS

Učesnici: oko 80 takmičara iz osam država

12. EKIPNO PRVENSTVO OSNOVNIH ŠKOLA U ŠAHU SA PODRUČJA GRADA SARAJEVA

Datum: 06.04.2020.

Otvaranje: 06.04.2020. u 10:00

Mjesto održavanja: Hotel „Saraj“

Organizator: ŠK „Stari Grad“

Učesnici: 25 ekipa i oko 150 učesnika

13. XXVIII MEMORIJALNI JUDO TURNIR „VINKO ŠAMARLIĆ“

Datum: 04.04.2020.

Otvaranje: 04.04.2020. u 12:00

Mjesto održavanja: Sportska dvorana Novo Sarajevo

Organizator: Judo klub „Željezničar“

Učesnici: oko 600 takmičara, 50 klubova (Slovenija, Hrvatska, Srbija, Crna Gora, Sjeverna Makedonija, Austrija, Bugarska i BiH)

14. XXI KARATE KUP OSLOBOĐENJA – MEMORIJAL SALKO ĆURIĆ

Datum: 12.04.2020.

Otvaranje: 12.04.2020. u 12:00

Mjesto održavanja: Skenderija Dvorana I

Organizator: Karate klub „Salih Salko Ćurić“

Učesnici: oko 200 takmičara iz Hrvatske, Srbije, Crne Gore i BiH

15. VIII MEĐUNARODNA REVLIJA SPORTA UČENIKA SREDNJIH ŠKOLA

Datum: 02-06.04.2020.

Otvaranje: 02.04.2020.

Mjesto održavanja: JU Peta gimnazija

Organizator: JU Peta gimnazija

Učesnici: oko 13 škola i oko 400 takmičara

16. XVIII MEĐUNARODNI TURNIR U RITMIČKOJ GIMNASTICI "SUADA DILBEROVIĆ"

Datum: 05.04.2020.

Otvaranje: 05.04.2020. u 12:00

Mjesto održavanja: Dvorana Novo Sarajevo

Organizator: Klub ritmičke gimnastike "Bosna Gym"

Učesnici: 300 učesnika iz dvanaest zemalja

17. LVII MEĐUNARODNI ŠAHOVSKI FESTIVAL

Datum: 05.04.2020.

Otvaranje: 05.04.2020. u 10:00

Mjesto održavanja: Dom oružanih snaga BiH

Organizator: ŠK „Sarajevo“

Učesnici: oko 150 šahista iz BiH, Hrvatske, Crne Gore i Srbije

IV PROGRAM NA OTVORENOM

1. KAFA SA GRADONAČELNIKOM

Datum: 06.04.2020.

Mjesto održavanja: Baščaršijski trg

Organizator: Grad Sarajevo

Obrazloženje:

- **ŠESTOAPRILSKA IZLOŽBA "COLLEGIUM ARTISTICUM"** Šestoaprilska izložba „COLLEGIUM ARTISTICUM“ tradicionalno se organizira u povodu Dana grada Sarajeva. Ovo je posebna prilika kada istaknuti stvaraoci izlažu svoja najvrijednija ostvarenja u protekloj godini. Ovom prigodom, Grad Sarajevo zaslužnim umjetnicima dodjeljuje odgovarajuće novčane nagrade.
- **KOLAŽNI KULTURNI PROGRAM ZA DJECU I GRAĐANE „SARAJEVO VAS ZOVE“** u nedjelju, 5. aprila, u Štrosmajerovoj ulici, organizirat će se kolažni kulturno-zabavni program za djecu i roditelje. Program bi objedinio kulturne sadržaje djece iz vrtića, osnovnih škola, kulturno umjetničkih društava, udruženja koje rade sa djecom sa posebnim potrebama iz Sarajeva, kao i gostiju iz gradova sa kojima JU CKM ima potpisane memorandume o saradnji. Pored bogatog umjetničkog programa održat će se Likovna radionica na temu „Sarajevo Vas zove“. Kompletan prostor će biti bogato dekorisan balonima i drugim sadržajima. Pozornica, postavljena na najfrekventnijoj lokaciji, biće u službi centralnog kulturnog događaja. Pored najmlađih učesnika, i profesionalni umjetnici dali bi značajan doprinos ovom događaju. Uz obraćanje gradonačelnika, pozvali bi učenike osnovnih škola da napišu pjesme o 6. aprilu, a najuspješnije radovi će biti prezentirani posjetiocima i javnosti. Društveno odgovorne organizacije obezbijedit će prigodne poklone za prisutne.
- Predstava **“Bajka o ribaru i ribici”** izvela bi se 3. aprila u kino dvorani Općine Novi Grad, u 12 sati, za učenike osnovnih škola i djecu iz vrtića. Iako je na marginama interesovanja dramskih pisaca, dječija dramska književnost predstavlja osnov pozorišne kulture, jer sa njom počinje uvođenje najmlađih u kulturu dramskih umjetnosti. Bitne karakteristike dječijih dramskih tekstova su da je on u osnovi uvijek optimističan, razigran i idealističan, a po pravilu, poslije niza peripetija

- u borbi između dobra i zla, sile dobra uvijek pobjeđuju sile zla, što odgovara dječijoj potrebi optimističke vizije života. Poznati motiv mnogih bajki-ribar i zlatna ribica tek je podsticaj koji u tekstu Mirsada Bećirbašića prerasta u autentičnu, razigranu priču između dječaka-ribara i djevojčice-ribice. Predstava se igra već tridesetak godina, i obišla je mnoge gradove u zemlji i inostranstvu. Tekst Mirsad Bećirbašić, režija i muzika Senad Bostandžić, kostimi i scena Elma Ahmetović i Senad Bostandžić, glume Elma Ahmetović i Senad Bostandžić.
- Predstava “**Lakonoga**” je urađena prema motivima priče "Stonoga i prijatelji". Govori o grupi glumaca koji dolaze u novi grad da izvedu svoju predstavu. Djeci govore pravila lijepog ponašanja u pozorištu i onda počinje predstava o Lakonogoj koja se izgubi u šumi jer nije pazila, da se na vrijeme vrati kući. Ovo je muzička basna. Osnovni motiv predstave je drugarstvo, obzirom da se radi o muzičkoj basni kroz likove životinja. Basna, kao teatarska forma, dozvoljava da se poigrate na način, te da zbilju i dešavanja kritikujete i korite, ali sve kroz dječiji način i mogućnost njihove percepcije. Osim tog centralnog dijela gdje je fokus na drugarstvu, niz scena edukuju i uče djecu i roditelje, kako se nositi sa novim mogućnostima, i kako olakšati djeci mogućnost življenja u ovom, i za djecu teškom vremenu... Predstava bi se igrala 6.aprila u Međunarodnom centru za djecu i mlade Novo Sarajevo. Tekst Fahrudin Kučuk, režija Rijad Ljutović, glume Armin Omerović, Andrea Aković i Filip Radovanović.
- Dječija baletska predstava “**Snježna kraljica**” Hansa Kristijana Andersena govori o prijateljstvu! Ima li nešto jače od toga?! Hrabrost i domišljatost Gerde u borbi da vrati kući svog prijatelja Kaja, da pobijedi sve prepreke, sve teškoće, sve čarolije, njena borba da pobijedi Snježnu kraljicu i otopi led u srcu svog najdražeg prijatelja. Na svom putu, tražeći Kaja ona upoznaje i stiže i druge prijatelje, svi joj pomažu u potrazi za Kajom, i ljudi i životinje, ali njenom srcu je najdraži Kaj i sve će učiniti da ga nađe i dovede kući! Sretan završetak prelijepo priče o drugarstvu, koje pobjeđuje sve čarolije i zla zajedno sa balerinama, rasplesanim kao jesenje lišće na vjetru. Predstava bi se igrala 6. aprila u velikoj sali JU Centar kulture i mladih, za učenike osnovnih škola Općine Centar i Općine Stari Grad. Koreografija Brižita Karabašić, kostimograf Narda Nikšić, scenografija Admir Halilović i Narda Nikšić, glume Armin Omerović, Haris Softić, Sara Čengić, Lara Kekić, Omar Hadžić, Aja Čengić, Ena Smailhodžić, Denis Hodžić, Lamija Delalić, Rubina Turković, Iman Zukić, Sara Alilović, Nejla Dilberović, Lamija Neretljaković, Aiša Šukalo, Amina Sivro, Esmal Alagić i Hena Omerović.
- **COMMUNITY ART „BUĐENJE GRADA 2020“** Cilj projekta je da ukaže na važnost postojanja kulturno-umjetničkih institucija za glavni grad Bosne i Hercegovine, kao centra civilizacijskog i kulturnog razvoja kroz predstavljanje radova mladih umjetnika/ca i angažman mladih profesionalaca iz BiH. Kroz tri različite umjetničke instalacije i programe, fokus se stavlja na odnos umjetnosti, zajednice i prostora. Umjetnost sve više preispituje paradigme umjetničkih institucija, baveći se pitanjem koncepta javnog prostora. Umjetnost zajednice (Community Art) je praksa koja naglašava društvenu interakciju, angažman većeg broja mladih ljudi, uzrokuje ekonomsku revitalizaciju, ali ima i edukativni karakter. Kroz različite aktivnosti i programe, umjetnost u javnom prostoru predstavlja jedan od načina razvoja gradske zajednice, ali i pruža nadu mladim građanima/kama u mogućnost djelovanja u svojoj okolini. Ovim programom za 6. april – Dan grada Sarajeva postavljaju se temelji za buduće ideje i događaje u produkciji Grada Sarajeva i mladih umjetnika/ca iz BiH u cilju promovisanja revitalizacije određenih gradskih prostora, javnih površina i kulturnih institucija. Projekat prije svega donosi ekonomsku, društvenu i kulturološku korist.
- **Instalacija zastava “Buđenje svijesti”** Lokacija: konstrukcija budućeg MSU - Ars Aevi Radovi Rikarda Druškića, mladog i uspješnog umjetnika iz Sarajeva će biti printani na 169 zastava, te postavljeni na postojeće konstrukcije kao instalacija (unutar prostora gdje su postavljena tri spomenika tj. radovi umjetnika Brace Dimitrijevića, Nebojše Šerić Šobe i Bizhana Bassirija). Važno je napomenuti da je umjetnik Daniel Buren postavio svoje čuvane zastave na isto mjesto kao naglasak na smisao izgradnje budućeg muzeja. Rikardo Druškić kao domaći umjetnik u skladu

- promišljanja sa internacionalnim umjetnicima shvata da je umjetnost važna kao paradigma mijenjanja svijeta. Ovakvom umjetničkom intervencijom se stavlja fokus na važnost postojanja Muzeja savremene umjetnosti Ars Aevi u glavnom gradu BiH.
- **Kolektivna izložba “Poetika prostora”** Lokacija: Historijski muzej BiH Ova tačka se odnosi na kreiranje kolektivne izložbe mladih umjetnika/ca u Historijskom muzeju BiH. Prvenstveno bi objavili otvoreni poziv za prijavu radova, pružajući priliku svim afirmisanim i neafirmisanim umjetnicima/cama koji se izražavaju kroz različite umjetničke medije da pokažu svoje radove široj publici. Izložbu će činiti nekoliko dijelova, gdje će posjetioci moći vidjeti radove digitalne umjetnosti, likovne umjetnosti, grafike, fotografije, skulpture, crteža, performans itd. Svi segmenti izložbe će biti praćeni zvukom u produkciji mladog sarajevskog umjetnika Dine Aganovića Hibrida, dok će ispred muzeja biti održan live street painting od strane Benjamina Čengića. Kustosica muzeja Elma Hodžić je zadužena za selekciju i postavku radova.
- **3D Mapping “Sarajevo”** Lokacija: Zemaljski muzej BiH. Završni događaj predstavlja 3D mapping projekciju na fasadi zgrade Zemaljskog muzeja BiH. Umjetnički rad “Sarajevo” Rikarda Druškića će kroz savremenu tehnologiju, kombinaciju prostora i sadržaja kreirati narativ o gradu. Do sada smo imali priliku vidjeti mapiranje jednog dijela Zemaljskog muzeja, no ovaj put bi se po prvi put mapirala kompletna zgrada. Zasiurno ovakva vrsta umjetničkog spoja sa savremenom tehnologijom pruža jedinstven događaj za Dan grada Sarajeva.
- **„KAFA SA GRADONAČELNIKOM”**, kao i prethodne godine, na Dan grada Sarajeva, građani i turisti grada moći će da se druže sa gradonačelnikom i čelnicima Grada Sarajeva, te da popiju bosansku kafu i počaste se tradicionalnim poslasticama. Na trgu će biti upriličen i prigodan kulturno-umjetnički program.
- **XIII Šestoaprilski turnir u hrvanju „Kup Grada Sarajeva”** je tradicionalna manifestacija sa blizu 200 učesnika iz regije i šire, zahvaljujući kvaliteti učesnika, a posebno organizacije, nalazi se u kalendaru evropske asocijacije u hrvanju.
- **XIII Međunarodni Šestoaprilski košarkaški turnir u povodu Dana Grada** je najmasovniji i najkvalitetniji turnir za juniore u regiji, a među prvih pet turnira u Evropi. Ove godine na turniru će učestvovati 15 klubova iz 5 zemalja. Manifestacija je regionalnog karaktera uz potvrđeno učešće ekipa iz Hrvatske, Crne Gore, Slovenije i BiH.
- **XIII Međunarodni Šestoaprilski turnir u streljaštvu** u gađanju vazdušnom puškom za seniore i seniorke je jedini međunarodni streljački turnir u našoj zemlji. Turnir je, uglavnom, regionalnog karaktera na kojem učestvuje više od 20 ekipa iz Slovenije, Hrvatske, Crne Gore, Mađarske, Srbije i Bosne i Hercegovine. Turnir je uvršten u kalendar Svjetske streljačke sportske federacije (ISSF) i Evropske streljačke konfederacije (ESC). Na prethodnim turnirima učešće su uzeli osvajači olimpijskih, svjetskih i evropskih medalja.
- **XIX Plivački miting „Sarajevu s ljubavlju“** je tradicionalna manifestacija koja se održava devetnaesti put. Miting je licenciran od strane Svjetske plivačke federacije FINA. Na turniru se očekuje učešće preko 400 takmičara iz 30 klubova i 10 zemalja učesnica.
- **III Međunarodni fudbalski turnir „VALTER KUP 2020“** je međunarodna manifestacija za djecu uzrasta od 12-14 godina koja se održava treći put. Na turniru će učestvovati 46 ekipa iz 11 zemalja.
- **XVIII tradicionalni šestoaprilski turnir u streljaštvu za osobe s invaliditetom** u gađanju iz zračne puške za domaće takmičare. Očekuje se nastup 80 strijelaca-invalida raznih kategorija

invalidnosti iz svih krajeva naše zemlje. Gradska uprava je proteklih godina redovno finansirala ovu manifestaciju.

- **XII Međunarodni Šestoaprilski kuglaški turnir za slijepe Sarajevo 2020** je tradicionalna manifestacija na kojoj bi učešće trebalo uzeti 80 takmičara iz Njemačke, Hrvatske, Slovačke, Mađarske, Srbije, Slovenije i naše zemlje.
- **Ekipno prvenstvo osnovnih škola u šahu** je manifestacija koja promovira šah za najmlađe uzraste kako bi se kroz šahovsku igru mlada ličnost razvijala u pozitivnom smjeru.
- **XXVIII Memorijalni judo turnir „Vinko Šamarlić”** se u organizaciji Judo kluba „Željezničar“ održava duži niz godina, te čuva uspomenu na lik i djelo legendarnog heroja odbrane Sarajeva Vinka Šamarlića, uspješnog sportiste bivše države. Turnir okuplja oko 600 takmičara uzrasta od 6-18 godina iz zemalja regiona Srbije, Hrvatske, Crne Gore, Makedonije i Slovenije te naše zemlje.
- **XXI Karate Kup Oslobođenja – Memorijal Salko Ćurić** ima tradiciju od 1974. godine kada je po prvi put organizovano ekipno prvenstvo BiH u karateu 6. aprila u Skenderiji. Od tada pa do danas ova manifestacija je prerasla u jednu od najmasovnijih i najkvalitetnijih demonstracija karate sporta na ovim prostorima. Organizator takmičenja je Karate klub „Salih Salko Ćurić”.
- **Međunarodna revija sporta učenika srednjih škola** je sportska manifestacija na kojoj su svoje učešće najavile srednje škole iz Ljubljane, Varaždina, Zagreba, Beograda, Skoplja, Podgorice, Splita, Austrije i Sarajeva.
- **Međunarodni turnir u ritmičkoj gimnastici „Suada Dilberović”** je sportska manifestacija koju organizuje Klub ritmičke gimnastike „Bosna Gym” i okuplja oko 300 takmičarki iz dvanaest zemalja Austrije, Španije, Turske, Bugarske, Rusije, Italije, Mađarske, Srbije, Crne Gore, Hrvatske, Grčke, Izraela, Slovenije, Njemačke, Rumunije i BiH.
- **Međunarodni šahovski festival u povodu 6. aprila** je međunarodni festival koji okuplja oko 150 učesnika za kategorije seniora i juniora.

ZAKLJUČCI:

1. Gradsko vijeće Grada Sarajeva daje ovlaštenje Gradonačelniku da može, a prije svega ovisno o finansijskim sredstvima namijenjenim za ovu manifestaciju, vršiti izmjene i dopune ovog Programa uz prethodnu saglasnost Organizacionog odbora za pripremu i realizaciju Programa obilježavanja 6. aprila – Dana grada Sarajeva u 2020. godini.
2. Zadužuje se Gradonačelnik Grada Sarajeva da na prijedlog Službe za obrazovanje, kulturu, sport i mlade i Stručne službe gradonačelnika svojom Odlukom odredi visinu finansijskih sredstava za navedene manifestacije, a sve u okviru pozicija i visine sredstava utvrđenih Budžetom za 2020. godinu.
3. Gradsko vijeće Grada Sarajeva zadužuje Gradonačelnika da na sjednici Gradskog vijeća, tj. nakon realizacije programa 6. aprila podnese kompletan izvještaj o realizaciji Programa obilježavanja 6. aprila Dana grada Sarajeva u 2020. godini.

GRADONAČELNIK

mr. Abdulah Skaka s.r.